

靜修先生文集

三

靜修先生文集
三
PDG

靜修先生文集卷之十五

樂府

水調歌頭

同諸公飲王丈利夫飲鮑亭索賦長短句效晦翁鮑

一諾與金重一笑對河清風花不遇真賞終古未全平
前日青春歸去今日尊前笑語春意滿西城花鳥喜相
對賓主眼俱明平生事千古意兩忘情醉眠鄉且去我
扶我有門生窻下煙江白鳥窻外浮雲蒼狗未肯便寒
盟從此洛陽社莫厭小車行

念奴嬌

二首第一飲山亭月夕

廣寒宮殿想幽深不覺升沉圓缺天上人間心共遠如
在瓊樓玉闕厚地微茫高天涼冷此際紅塵歇翠陰高
枕併教毛骨清徹爲問此世從來幾人吟望轉首俱湮
滅蟻虱區區尤可笑幾許肝腸如鐵八表神游一樣高

汎逸興方超絕嫦娥留待桂花且莫開徹

二憶仲良

中原形勢東南壯夢裏譙城秋色萬水千山收拾就一片空梁落月煙雨松楸風塵淚眼滴盡青青血平生不信人間更有離別舊約把臂燕南乘槎天上曾對河山說前日後期今日近悵望轉添愁絕雙闕紅雲三江白浪應負肝腸鐵舊游新恨一時都付長缺

王漏遲

泥舟東溪

故園平似掌人生何必武陵溪上三尺蓑衣遮斷紅塵十丈不學東山高卧也不似鹿門長往君試望遠山擎處白雲無恙自唱一曲漁歌覺無復當年缺壺悲壯老境羲皇換盡平生豪爽天設四時佳興要留待幽人清賞花又放滿意一篙春浪

鵲橋仙 二首 第一 喜雨

紇千生處幾時飛去欲去被天留住野人得飽更無求
滿意一犁春雨田家作苦濁醪釀黍準備歲時歌舞不
妨分我一豚蹄更試聽今秋社鼓

二

悠悠萬古茫茫天宇自笑平生豪舉元龍儘意卧床高
渾占得乾坤幾許公家租賦私家雞黍學種東臯煙雨
有時抱膝看青山却不是長吟梁甫

木蘭花 三首

未開常探花開未又恐開時風雨至花開風雨不相妨
說甚不來花下醉百年枉作千年計今日不知明日事
春風欲勸座中人一片落紅當眼墜

二

西山不似龐公傲城府有樓山便到欲將華髮染晴嵐
千里青青濃可掃人言華髮因愁早勸我消愁惟酒好
夜來一飲盡千鐘今日醒來依舊老

三

錦雲十里川妃供一棹晚涼風款送只愁無處著清香
滿載月明船已重冰壺水鑑元空洞天意似嫌紅翠擁
併教風露入吟尊不惜秋光渾減動

菩薩蠻

四首第一爲王丈利夫壽

吾鄉先友今誰健西隣王老時相見每見憶先公音容
在眼中今朝故人子爲壽無多事惟願歲長豐年年社
酒同

二

飲山亭感舊

種花人去花應道花枝正好人先老一笑問花枝花枝

得幾時人生行樂耳今古都如此急欲醉莓苔前村酒
未來

三

元龍未減當年氣呼山卧向高樓底今日到山村青山
故意昏商歌聊一振千里浮雲盡老子氣猶豪山靈未
可驕

四 回紋

水圍山影紅圍翠翠圍紅影山圍水西近小橋溪溪橋
小近西隱人誰與問問與誰人隱孤鶴對言無無言對
鶴孤

清平樂

五首第一 飲山亭留宿

山翁醉也欲返黃茅舍醉裏忽聞留我者說道群花未
謝脫巾就掛松龕覺來酒興方酣欲借白雲爲筆淋漓

灑遍晴嵐

二

青松憑蹇不受春風管松下幽人心自遠驚怪人間日
短微茫雲海蓬萊千年一度春來爭信門前桃李年年
花落花開

三

青天仰面卧看浮雲卷蒼狗白衣千萬變都被幽人窺
見偶然夢到華胥覺來花影扶疎窓下魯論誰誦呼來
共詠風雲

四 賀雨

雨晴蕭鼓四野歡聲舉平昔飲山今飲雨來就老農歌
舞半生負郭無田寸心萬國豐年誰識山翁樂處野花
啼鳥欣然

五 園事

碁聲清美盤薄青松底門外行人遙指似好箇爛柯僊
子輸贏都付欣然興闌依舊高眠山鳥山花相語翁心
不在碁邊

人月圓 一首

自從謝病修花史天意不容閑今年新授平章風月檢
校雲山門前報道麴生來謁子墨相看先生正爾天張
翠幕山擁雲鬟

二

茫茫大塊洪爐裏何物不寒灰古今多少荒煙廢壘老
樹遺臺太行如礪黃河如帶等是塵埃不須更嘆花開
花落春去春來

太常引 二首

男兒勲業古來難，歎人世幾千般。一夢覺邯鄲，好看得浮生等閒。紅塵盡處，白雲堆裏，高卧對青山。風味似陳搏，休錯比當年謝安。

二

臨流相喚百東坡，君試舞我當歌。不樂欲如何，看白髮今年漸多。青天白日，斜風細雨，盡付一漁蓑。天地作行窩，把萬物都名太和。

三

冥鴻有意避雲羅，問何處是行窩。今古一漁蓑，收攬了閑人最多。求田問舍，君休笑我，兩鬢已成皤。髀肉儘消磨，渾換得功名幾何。

風中柳 飲山亭留宿

我本漁樵不是白駒空谷對西山，悠然自足北窗疎竹。

南窓叢菊愛村居數間茅屋 風煙草屨滿意一川平
綠間前溪今朝酒熟幽禽歌曲清泉琴筑欲歸來故人
留宿

西江月二首第一選張大經

留在平生落落休嗟世事滔滔青雲底柱本來高立向
頽波更好一片花飛春減可堪萬點紅飄江花江月可
憐宵莫賦招魂便了

二飲山亭留飲

看竹何須問主尋村遙認松蘿小車到處是行窩門外
雲山屬我張叟臘醅藏久王家紅藥開多相留一醉意
如何老子掀髯曰可

南鄉子二首第一題外曰郭氏留耕堂壁上

方寸足留耕大勝良田萬頃平陰理不隨陵谷變分明

霜落西山滿意青十載董生行雞犬升平畫不成終日
相看天與我高情身外浮雲自古輕

二張彥子通壽

窓下絡車聲窓外兒童課六經自種牆東新菜莢青青
隨分杯盤老幼情千古董生行雞犬升平畫不成應笑
劉家劉老子無能縱飲狂歌不治生

朝中措賀廉侯舉兒子

金張家世費貂蟬七葉侍中冠若就詩家攀例生兒合
喚添官憑誰寄語廉泉父老斗酒相歡今歲孫枝新長
甘棠消息平安

臨江僊二首第一賀廉侯舉次兒子

四海荊州吾所愛虎賁誰似中郎小孫今擬喚甘棠添
官前有例簪笏看堆床明日乃公歸舊隱後園喬木蒼

蒼青衫竹馬鴈成行當年廉孟子應有讀書堂

二 送二從事

行色怱怱緣底事山陽梅信相催梅花香底有新醅南
州今樂土得意即銜杯君見太行憑寄語雲間蒼壁崔
嵬平生遮眼厭黃埃高樓吾有興無惜送青來

喜遷鶯 乙亥元日

春風滿面是宵中春意與春相見不醉醺然無人也笑
況是一年清宴寧兒挽鬢學語鬢婦舉杯重勸道惟願
貧常圓聚老常康健二十七年世事經千變今是昨非
春恩花柳消盡冰霜殘怨門外曉寒猶淺門上垂簾休
捲燈花軟酒香濃趁歌舞試輕輕嚙

靜修先生文集卷之十五

卷之十五
詩
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

靜修先生文集卷之十六

碑

中順大夫彰德路總管渾源孫公先塋碑銘

中統元年 今天子即位草昧一革古制宸復及至元
改元則建官立法幾於備矣獨御史臺未立於是今彰
德總管孫公公亮慨然以爲言不報五年以言者益衆
始立之故首以公爲監察御史屢有所彈舉天子以硬
目之尋出簽山東東西道提刑按察司事臺薦其所行
知大體遷山北遼東道副使旣而有令命焉子始識公
於鎮州於其言論風旨已得其所謂良御史者及其子
拱與子交則又得其出處之詳者如此然於其名位赫
著子孫蕃衍則疑其必有發之者而尚未及知也一日
公使拱持書抵子曰先公以末世之孤裔奮然爲起家

之始祖使公亮輩得有所沿襲凡以予曾大父及大父
勤德利物之所致以隱不仕今已不可得而攷其迹矣
而先公則資沉鷲豪宕重然諾好施予年十六七已有
志於功名值金真祐之變即欲應募爲兵其親或難之
因逃去謁西京師謀年以驍勇得近幸時金主南遷謀
年帥欲有所奔問而難其人公感激請行見金主於真
定得報歸往復二千里甫七日及西京內附國朝所
置守帥馬侯勲其膽略表授義軍千戶尋復董平山府
甲工從軍潞州之役力出其伯父成族兄公政於俘虜
鳳翔之役太宗詔從臣分誅居民違者以軍法論輒
嘆曰誠能脫衆人死實不愛一身況主上見問必有
以對而未必死邪遂盡匿已所分者河南之役汴旣降
仍不聽居民自出日餓死不可計遂請於大帥速不亥

以渾源名族如御史雷氏同知均州樊氏張具瞻馬正
卿王仲賢王祿錫玉者數十家而出且護而歸之鄉里
先夫人杜氏亦嚴正有法平山府有妄告工人變者皆
力爲營救之賴以全活者甚衆此皆見之太常許君靖
所錄行實及鄉先賢之所撰紀而先塋下棺之碑則無
以銘之惟有待乎子之言以信於後人也按孫氏世
爲州之橫山人公之曾大父某娶何氏四子慶祐慶文
慶元祿和慶文則公之大父也娶趙氏有婦德二子威
平平早世威即公之考也夙巧慧少出入戰陳每患出
之甲冑不堅壽其婦兄杜仲則考工記所謂燕人能爲
函者因密得其法且能創蹄筋翎根別爲之太宗親
射之不少貫寵以金符故其從征邠乾諸州也見其攻
拔不避矢石帝勞之曰汝縱不自愛獨不爲甲冑惜乎

又命諸將衣其所進甲目之曰汝等熟所愛重諸將各
以意對帝皆不之許曰能扞蔽尔以與我國家立功名
者非此人之甲邪顧無以之對者何也復以錦衣錫之
前後所領平山安平諸工人皆俘虜之餘殆少生意數
爲表給衣廩子女以勸之諸工人至今感之如父母年
若干終於平陽河南懷州順天諸路工匠都總管帝聞
爲嗟恨久之杜氏年八十八下及五世孫疾公率其子
拱掖振等諸孫謙詣誼等以問見公佩金虎符拱掖皆
佩金符曰吾家起寒微今一門貴盛但當竭忠勤以報
國家爾言竟卒嗚呼當大變故夫人之與氣運而升降
者以人視之非必盡有所以致之者而其子奪之間又
未必盡得其平也疑若一出於偶然而已抑不知人之
所見者以一世爲終始固不能如天之所見者之久且